

ZAPISNIK SA

**II (PROŠIRENE) SJEDNICE UPRAVNOG ODBORA
UDRUŽENJA POSLODAVACA U FBiH**

**koja je održana dana 26.10. 2022. godine (srijeda), sa početkom u 10:00 sati u prostorijama
ASA HOLDING (Bulevar Meše Selimovića 16.) u Sarajevu**

Na sjednici su prisustvovali članovi Upravnog odbora: Adnan Smailbegović, Edin Ibrahimpašić, Šejla Bojadžija, Mujo Hasić, Predrag Čović, Enver Malagić, Adem Hanić, Behrija Huseinbegović, Džemal Hasković, Damir Vidačak, Nedžad Siočić, Nihad Imširović, Nijaz Skenderagić, Tomislav Majić.

Sjednici su putem zoom aplikacije prisustvovali: Koepruner Snježana i Bevanda Ladislav.

Na sjednici su po ovlaštenju članova UO prisustvovali: Rešad Behlulović (po ovlaštenju Memagić Rasima), Maja Budimir (po ovlaštenju Penava Jadranke) i Zoran Gazibarić (po ovlaštenju Kemala Čolaka).

Na sjednici nisu prisustvovali: Samira Mustafić i Jabandžić Edin koji su opravdali svoj izostanak.

Ispred UP FBiH: Mario Nenadić, direktor i Mersiha Jusić, sekretar

Sjednicu je otvorio Adnan Smailbegović, predsjednik Upravnog odbora Udruženja poslodavaca i predložio sljedeći:

DNEVNI RED

1. Usvajanje Zapisnika sa I konstituirajuće sjednice Upravnog odbora UP FBiH;
2. Usvajanje Odluke o imenovanju dva zamjenika predsjednika Upravnog odbora;
3. Imenovanje članova Izvršnog odbora UPFBiH;
4. Razmatranje prioriternih aktivnosti Udruženja poslodavaca u FBiH;
 - a) Dokument „Šta poslodavci očekuju od vlasti“;
 - b) Pitanje povećanja cijene električne energije;
5. Informacija o kolektivnom pregovaranju;
6. Usvajanje Odluke o imenovanju pregovaračkog tima za vođenje pregovora i zaključivanje Kolektivnog ugovora za djelatnost trgovine;
7. Informacija o aktuelnostima vezano za Zakon o minimalnoj plaći;
8. Imenovanje 2 predstavnika UPFBiH u Radnu grupu u okviru Projekta IDA (“Inkluzivna dekarbonizacija”)
9. Imenovanje delegacije UPFBiH za sastanak sa predstavnicima Svjetske banke;

10. Tekuća pitanja

Predloženi Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa I konstituirajuće sjednice

Obzirom da nije bilo primjedbi na zapisnik Predsjednik UO je dao Zapisnik na glasanje.

A.D. 1.1. Zapisnik je jednoglasno usvojen.

Tačka II Usvajanje Odluke o imenovanju dva zamjenika predsjednika Upravnog odbora;

Predsjednik Upravnog odbora je upozano prisutne sa prijedlozima članova. Prijedlozi za dva zamjenika predsjednika su Snježana Koepruner, GS TMT Travnik i Edin Ibrahimpašić, Bihaćka pivovara iz Bihaća.

Obzirom da nije bilo primjedbi, doneseni su sljedeći:

ZAKLJUČCI:

A.D. 2.1. Za dva zamjenika predsjednika Upravnog odbora Udruženja poslodavaca u Federaciji BiH imenuju se Snježana Koepruner, GS TMT d.d. Travnik i Edin Ibrahimpašić, Bihaćka pivovara d.d. Bihać.

Tačka III Imenovanje članova Izvršnog odbora UPFBiH;

Predsjednik UO je upoznao prisutne da je prema Statutu UPFBiH UO nadležan za imenovanje članova Izvršnog odbora. Prema Statutu Izvršni odbor broji 7 članova, od čega su predsjednik i dva zamjenika predsjednika Upravnog odbora po funkciji predsjednik i zamjenici predsjednika IO.

Prijedlog za ostala 4 članu su:

1. Nedžad Siočić, član
2. Nihad Imširović, član
3. Tomislav Majić, član
4. Edin Jabandžić, član

Obzirom da nije bilo novih prijedloga doneseni su sljedeći zaključci:

A.D. 3.1. Za članove Izvršnog odbora imenuju se: Adnan Smailbegović, Predsjednik Upravnog odbora, Snježana Koepruner, zamjenica predsjednika Upravnog odbor, Edin Ibrahimpašić, zamjenik predsjednika Upravnog odbora, Nedžad Siočić, član, Nihad Imširović, član Tomislav

Majić, član i Edin Jabandžić, član. Predsjednik Adnan Smailbegović i dva zamjenika predsjednika Upravnog odbora Snježana Koepruner i Edin Ibrahimpašić su po svojoj funkciji predsjednik i dva podpredsjednika Izvršnog odbora.

Tačka IV Razmatranje prioriternih aktivnosti Udruženja poslodavaca u FBiH;

- a) Dokument „Šta poslodavci očekuju od vlasti“;**
- b) Pitanje povećanja cijene električne energije;**

Predsjednik Upravnog odbora je ukratko dao osvrt na dokument i otvorio raspravu o dokumentu Udruženja "Šta poslodavci očekuju od vlasti", Navedeni dokument sadrži prijedloge zakona, podzakonskih i provedbenih akata za sve nivoe vlasti u Bosni i Hercegovini u cilju poboljšanja poslovnog ambijenta i rasterećenja privrede. Dokument je dostavljen svim političkim strankama koje su učestvovala na općim izborima u BiH.

Obzirom da je dokument obiman Upravni odbor bi trebao odrediti prioritete u djelovanju. Nakon dugotrajne rasprave dogovoreno je da će se pripremi verzija prioriternih aktivnosti.

Tokom rasprave članovi UO su istakli da bi se prioriteti djelovanja iz dokumenta trebali odnositi na smanjenje opterećenja rada, odnosno smanjenje doprinosa i poreza na dohodak i dobit, kao i oslobađanje doprinosa za povećanje plaća, liberalizacija zapošljavanja stranih radnika i ukidanje kvota za deficitarna zanimanja, plaćanje PDV-a po naplati fakture, usvajanje Zakona o zdravstvenom osiguranju, uvođenje dualnog obrazovanja, donošenje izmjena i dopuna Zakona o javnim nabavkama, smanjenje parafiskalnih nameta, minimalna plaća i regulisanje oblasti energetike.

Vezano za tačku b poslodavci su pozdravili Odluku Vlade o ograničenju povećanja cijene električne energije

Nakon rasprave doneseni su sljedeći zaključci:

A.D. 4.1.a. Iz dokumenta „Šta poslodavci očekuju od vlasti“ prioriternih aktivnosti su:

NA NIVOU BIH

- 1. Liberalizacija uvoza radne snage** (Ukidanje kvota za zapošljavanje i liberalizacija radne snage, provođenje obaveznog testa tržišta rada, uvođenje obaveze donošenja Odluke o deficitarnom zanimanju koja će biti izuzeta od obaveze testa tržišta rada i pozitivnog mišljenja zavoda, izmjena Pravilnika o ulasku stranaca I Procedure za postupak izdavanja radne dozvole u smislu pojednostavljenja procedura);
- 2. Zakon o javnim nabavkama;**
- 3. Zakon o PDV-u (pomjeranje plaćanja PDV-a na zadnji dan u mjesecu, plaćanje facture po naplati).**

NA NIVOU FBiH

- 1) **Zakon o izmjeni Zakona o zdravstvenom osiguranju;**
- 2) **Zakon o korištenju obnovljivih izvora energije i efikasne kogeneracije;**
- 3) **Doprinosi i opterećenje na rad (Zakon o doprinosima i Zakon o porezu na dohodak);**
- 4) **Zakon o porezu na dobit (reinvestiranje);**
- 5) **Oslobađanje od plaćanja doprinosa za povećanje plaće;**

NA NIVOU KANTONA

- 1) **Ukidanje parafiskalnih nameta**
- 2) **Donošenje Zakona o dualnom obraovanju**

A.D. 4.2. a. Stručna služba će pripremiti navedeni dokument „Prioritetne aktinosti UPFBiH iz dokumenta „Šta poslodavci očekuju od vlasti“.

A.D. 4.3.a Udruženje poslodavaca UPFBiH će odmah po formiranju vlasti u Federaciji BiH, tražiti sastanak sa Vladom kako bi se promptno djelovalo u rješavanju ovih pitanja.

A.D. 4.1.b) Zadužuje se stručna služba da uputi dopise prema kompanijama FEAL, ASA Grupacija, HIFA, BH Telekom i TMD Group da daju svoje predstavnike u rad Radne grupe za izradu Zakona o korištenju obnovljivih izvora energije i efikasne kogeneracije.

Tačka V: Informacija o kolektivnom pregovaranju;

Vežano za ovu tačku dnevnog reda Mladen Pandurević je upoznao prisustne sa ovom tačkom dnevnog reda ističući da su svi dobili informaciju u pisanoj formi te da se vode aktivnosti vežano za 8 Kolektivnih ugovora. Napomenuo je da je jedan Kolektivni ugovor potpisan druga dva očekuju se potpis do karaja naredne sedmice, a ukupno do kraja godine očekuje se da će biti potpisano 8 Kolektivnih ugovora za realni sektor što nije praksa nigdje u regionu da ima ovoliki broj kolektivnih ugovora.

Tačka VI Usvajanje Odluke o imenovanju pregovaračkog tima za vođenje pregovora i zaključivanje Kolektivnog ugovora za djelatnost trgovine;

Vežano za ovu tačku dnevnog reda Predsjednik UO je izvjestio prisutne da je u cilju pokretanje inicijative za Izmjene i dopune Kolektivnog ugovora potrebno imenovati pregovarački tim. U tom smislu predlaže se imenovanje članova pregovaračkog tima u sastavu od: Ramiz Mušić, Bingo d.o.o Tuzla; Nedeljka Bilić, Konzum d.o.o. Sarajevo; Edita Mutapčić, Konzum d.o.o. Sarajevo; Jasmina Roša, DM d.o.o. Sarajevo; Mehmedalija Zagorica, Mercator d.o.o.

Za Predsjednika pregovaračkog tima predlaže se Nedeljka Bilić.

Obzirom da nije bilo drugih primjedbi doneseni su sljedeći zaključci:

A.D.6.1. Upravni odbor je jednoglasno usvojio Odluku o imenovanju pregovaračkog tima za vođenje pregovora i zaključivanje Kolektivnog ugovora za djelatnost trgovine u koji se imenuju Ramiz Mušić, Bingo d.o.o Tuzla; Nedeljka Bilić, Konzum d.o.o. Sarajevo; Edita Mutapčić, Konzum d.o.o. Sarajevo; Jasmina Roša, DM d.o.o. Sarajevo; Mehmedalija Zagorica, Mercator d.o.o. Za Predsjednika pregovaračkog tima imenovana je Nedeljka Bilić.

Tačka VII Informacija o aktuelnostima vezano za Zakon o minimalnoj plaći;

Udruženje poslodavaca FBiH prati aktivnosti u vezi sa ovim pitanjem. S tim u vezi, direktor Mario Nenadić je informisao prisutne o sljedećim činjenicama:

Zakon o minimalnoj plaći - predlagači 9 klubova zastupnika usvojen 05.10.2022. godine u formi Nacrta na Predstavničkom domu Parlamenta FBiH.

Ovlašteni podnosilac, zamjenik premijera Vlade FBiH podnio je Zahtjev za davanje mišljenja Ustavnog suda da li je donošenje Zakona o minimalnoj plaći od strane Parlamenta FBiH, u skladu sa Ustavom Federacije.

Postoji i Prijedlog Zakona o najnižem primanju u FBiH - u proceduru uputio predlagač Suad Kaknjo. Međutim, Zakon nije bio na Dnevnom redu sjednice.

Bitno je napomenuti da Zakon u Parlamentu FBiH nije u proceduri paralelno sa Zakonom o porezu na dohodak i Zakonom o doprinosima kako je to i obećavano, jer bi se na taj način istovremeno rasteretila privreda.

U okviru ove tačke gospođa Snježana Koepruner je predložila da se uputi zahtjev prema Vladi Federacije BiH u cilju izmjene propisa kojim bi se omogućilo poslodavcima da povećaju plaće a da na dio uvećane plaće za radnike ne plaćaju doprinose.

Nakon rasprave donesen je sljedeći zaključak:

A.D. 7.1. Udruženje poslodavaca nije protiv povećanja plaće, ali povećanje plaće mora pratiti rasterećenej privrede. Do donošenja Zakona o doprinosima i Zakona o porezu na dohodak koji imaju za cilj smanjenje doprinosa i poreza UPFBiH će predložiti izmjenu važećih propisa kojim bi se omogućilo poslodavcima da povećaju plaće, a da na dio uvećane plaće za radnike ne plaćaju doprinose.

Tačka VIII Imenovanje 2 predstavnika UPFBiH u Radnu grupu u okviru Projekta IDA (“Inkluzivna dekarbonizacija”)

Vezano za ovu tačku dnevnog reda Predsjednik UO je upoznao prisutne da se Udruženju poslodavaca u FBiH se obratio UNDP- IDA -Projektni tim a u vezi sa realizacijom projekta IDA (“Inkluzivna dekarbonizacija”) koji provodi Razvojni program Ujedinjenih nacija u Bosni i Hercegovini (UNDP BiH) u saradnji sa Ministarstvom vanjske trgovine i ekonomskih odnosa Bosne i Hercegovine. Projekat je finansiran od strane Vlade Japana.

Cilj projekta je uvođenje mehanizma pravedne tranzicije ka nisko-karbonskoj ekonomiji te implementacija NDC-a u BiH na pravedan i rodno osjetljiv način, obuhvatajući sve kategorije društva.

Projekat se sastoji od četiri aktivnosti: (i) Razvoj strateške osnove za pravednu tranziciju ka nisko-karbonskoj ekonomiji, (ii) Podrška pravednoj tranziciji karbonski-intenzivnih industrija i malih i srednjih preduzeća i (iii) Razvoj kapaciteta za pravednu i uključivu tranziciju ka nisko-karbonskoj ekonomiji.

Za pripremu strateške osnove za pravednu tranziciju angažovan je konzorcij u sastavu Ernst & Young d.o.o. Beograd i nLogic d.o.o. Sarajevo. U okviru ove aktivnosti izradit će se četiri ključna dokumenta i to:

- Šematski plan za BiH “Pravedna tranzicija za sve” putem inkluzivnog, transparentnog, rodno osjetljivog i participativnog pristupa, te
- Tri strategije pravedne tranzicije ka nisko-karbonskoj ekonomiji karbonski intenzivnih industrija (energetika, čelik i cement) sa inventarom mjera dekarbonizacije i shemama financiranja za provođenje ovih mjera u MSP-ima.

S tim u vezi ispred UPFBiH je potrebno imenovati dva predstavnika koji će učestvovati u aktivnostima za izradu navedenih dokumenata.

Ispred Kompanije GS TMT Travnik i Cementara Kakanj dobili smo prijedloge dvije osobe da se imenuju u navedene Radne grupe. Predloženi su Denis Bašić iz GS TMT Travnik i Almir Bajtarević iz Cementare Kakanj, koji su stručnjaci u ovoj oblasti.

Obzirom da nije bilo novih prijedloga doneseni su sljedeći zaključci:

A.D. 8.1. Upravni odbor je jednoglasno donio Odluku da se Denis Bašić iz GS TMT Travnik i Almir Bajtarević iz Cementare Kakanj, ispred UPFBiH imenuju u Radnu grupu u okviru Projekta IDA (“Inkluzivna dekarbonizacija”)

Tačka IX Imenovanje delegacije UPFBiH za sastanak sa predstavnicima Svjetske banke;

Vezano za ovu tačku dnevnog reda UO je ovlastio Predsjednika i direktora da sastave delegaciju za sastanak sa Svejetskom bankom.

Pod tekućim pitanjima raspravljalo se o:

a) Inicijativi Ladislava Bevande vezano za izmjenu Zakona o javnim nabavkama

Na javne nabave za projekte koji se financiraju iz kredita Evropske investicijske banke, EBRD ili nekih drugih finansijskih institucija, ne primjenjuje Zakon o javnim nabavama BiH. Odnosno nabavke koje se financiraju kreditima iz EIB-a ne podliježu primjeni Zakona o javnim nabavkama, temeljem članka 10. stavak c) Zakona, budući da se ove nabavke provode po procedurama EIB-a temeljem Okvirnog sporazumima kojim se uređuju aktivnosti EIB-a u Bosni i Hercegovini potpisanog 17. i 27.12.2007. godine između Bosne i Hercegovine i Evropske investicione banke i pojedinačnih Ugovora koje je BiH zaključila sa EIB-om.

2. Banka u ovim postupcima vodi samo računa o tome da li su se ispunili uvjeti za finansiranje. Banka finansijer ne odgovara za zakonitost same nabavke niti legalizira postupanja ugovornih organa. U ovakvim procedurama u sadašnjem stanju ne postoji „institut pravnih lijekova“ i samim tim javne nabavke su podložne manipulacijama budući da se provode bez institucionalne kontrole, osim samih javnih preduzeća, korisnika sredstava. Dakle, ne postoji drugostepeni nezavisni organ za zaštitu zakonitosti javne nabavke, što je uobičajno Ured za razmatranje žalbi.

3. Posljedice: procedure dugo traju, često se i ponavljaju, jer nisu podložne kontroli kroz uobičajne pravne lijekove URŽ i sudova.

4. Pravci djelovanja:

Izmjene Zakona o javnim nabavkama (Agencija za javne nabavke BiH pripremila prijedlog izmjena i uputila Ministarstvu finansija i trezora i Ministarstvu pravde).

Izmjena Okvirnog sporazuma koji se odnosi na Okvirni sporazum kojim se uređuju aktivnosti Evropske investicione banke u BiH potpisan 17. i 27.12.2007. godine (Ministarstvo finansija i trezora BiH pripremi Nacrt izmjena Okvirnog sporazuma).

Zaključak:

Predloženu izmjenu Zakona o javnim nabavkama uvrstiti u inicijativu „Šta poslodavci očekuju od vlasti“, jer UPFBiH već ima prijedlog za izmjene drugih članova Zakona o javnim nabavkama.

- b) Prijedlogu člana UO Samira MUstafića da se pokrene inicijativa izmjene i usaglašavanja Zakona o Bankama kada je riječ o maksimalnom iznos kreditiranja na bianco osnovi prema jednoj grupi povezanih lica.

Trenutno u Entitetu FBiH taj iznos je 5 % od regulatornog kapitala Banke dok je u Entitetu RS 15 % . Podizanje ovoga limita u Entitetu FBiH će dati dodatni impuls povećanja



kreditiranja pravnih subjekata i državnih institucija u još većem volumenu od strane Banaka i naravno s time dati dodatne finansijske impulse investicionom ciklusu u svim segmentima ekonomije. Također nema apsolutno razloga da unutar Bosne i Hercegovine ovaj limit nije usklađen i isti u oba Entiteta.

Zaključak: Članovi UO su podržali inicijativu.

Zapisnik sačinila: Mersiha Jusić

PREDSJEDNIK UPRAVNOG ODBORA

Adnan Smailbegović